



Breheimen
nasjonalparkstyre

Postadresse
Postboks 987
2604 LILLEHAMMER

Besøksadresse
Skjåk utmarkssenter (v/Skjåk
Almenning), 2690 Skjåk og
Luster kommune,
Kommunehuset, 6868 Gaupne

Kontakt
Sentralbord: +47 61 26 60 00
Direkte: +47 57 64 31 39
sfinpost@statsforvalteren.no
<http://www.nasjonalparkstyre.no/breheimen>

SKJOLDEN BYGDESERVICE SA
Bolstad
6876 SKJOLDEN

Saksbehandlar Trygve Snøtun

Vår ref. 2021/6998-2
PRIMÆRKASSERING

Dykker ref.

Dato 23.06.2021

Delegert vedtak - Dispensasjon - Mørkridsdalen LVO - Motorferdsel - Helikopter - Oppfølging tiltaksplan for Breheimen 2021 - Hødnevollen-Kakkhalsgjerde - Skjolden bygdeservice

I medhald av brev frå Miljøverndepartementet datert 17.02.2012 har Breheimen nasjonalparkstyre i styremøte 11.02.2013, sak 32/2013, og i styremøte 05.04.2016, sak 7/2016, gjort vedtak om å delegere handsaming av einskilde saker til nasjonalparkforvaltaren. Vedtaket gjev nasjonalparkforvaltarane i Breheimen mellom anna myndighet til å treffen vedtak i saker som gjeld dei spesifiserte dispensasjonsreglane om ferdsl i verneforskriftene for verneområda i Breheimen og etter naturmangfaldlova § 48.

Dokument i saka:

- Telefonsamtale med Skjolden bygdeservice ved Kjell Einar Ormberg 23.06.2021, lagt inn som eit x-notat i ePhorte under saksnr. 2021/6998.
- Tiltaksplan for Breheimen 2021, saksnr. 2020/12424

Søknaden:

Viser til telefonsamtale med Kjell Einar Ormberg i Skjolden bygdeservice 23.06. 2021.

Breheimen nasjonalparkstyre har bedt Skjolden bygdeservice om å gjennomføre tiltaket «Grusing buforvegen Kakkhalsgjerde» for utbetring av eit parti av buforvegen i Mørkridsdalen, jf. tiltaksplan for Breheimen 2021 (saksnr. 20/12424).

Tiltaket krev helikoptertransport av grus i bigbag. Avstanden er kring 1 km. Grusen som skal nyttast vart graven opp frå elva i etterkant av flaumen hausten 2018 og ligg i dag i ved parkeringa på Hødnevollen. Helikoptertransport er planlagt fredag 25.06.2021, då som ein samordning med andre tiltak som er planlagt i området.

Ormberg seier at det er planlagt 10-15 bigbag med grus som skal transporterast inn. Desse blir sett plassert ved buforvegen slik at turfolk greitt klarar å komme seg forbi. Det skal ikkje vere buforing denne veka. Neste veka vil Skjolden bygdeservice planere grus langs den krevjande delen av buforvegen ved handemakt.



Søknaden er vurdert i samsvar med:

1. Forskrift for Mørkridsdalen landskapsvernombord, datert 7. august 2009.
2. Naturmangfaldlova, datert 19. juni 2009 nr. 100.
3. Forvaltingsplan for verneområda i Breheimen

Verneforskrift og verneformål:

Mørkridsdalen landskapsvernombord vart oppretta gjennom verneplan for Breheimen av Kongen i statsråd 7. august 2009. Breheimen nasjonalparkstyre er forvaltningsmyndighet for verneområdet. Føremålet med Mørkridsdalen landskapsvernombord er å ta vare på eit natur- og kulturlandskap med økologisk verdi, kulturell verdi og opplevingsverdi.

Etter verneforskrifta for Mørkridsdalen landskapsvernombord, er motorferdsel på land, på vatn, og i lufta under 300 m frå bakken forbode (verneforskrifta § 3 pkt. 6.1), med unnatak gjeve i pkt. 6.2 og 6.3. Med heimel i verneforskrifta § 3 pkt. 6.3 f kan forvaltningsmyndigheita gi løyve til *bruk av snøskuter eller luftfartøy for transport av materialar til vedlikehald og byggearbeid på bygningar, anlegg og innretningar*.

I vurderinga av søknaden skal forvaltningsmyndigheita også gjere greie for bruken av dei miljørettslege prinsippa i naturmangfaldlova §§ 8 – 12, jf. § 7.

Vurdering:

Ein sentral del av verneføremålet med Mørkridsdalen landskapsvernombord er å ta vare på eit natur- og kulturlandskap med økologisk verdi. Vidare er det eit konkret mål å ta vare på stolar og stølvollar, kulturminne og naturbeitemarker.

Mykje av arbeidet med å halde kulturlandskapet i landskapsvernombordet er knytt mot å få beitedyr inn på beite. I Mørkridsdalen er det eit stort antal både sau og storfe på beite kvar sommar. Buforvegen inn i dalen er både lang og til dels krevjande, særskilt for storfe. Strekket det er snakk om i denne omgang er gjennom relativt stor stein der finmaterialet mellom steinane er slitt vekk gjennom mange år. Dette gjer det vanskeleg for storfe å komme gjennom. I tillegg er strekket like ved ein foss noko som gjer at det alltid er fuktig der. Om hausten kan det fryse til is og gjer det vanskeleg for både dyr og menneske å gå der. Føremålet med tiltaket er å sikre ein betre buforveg til beiteområda i Mørkridsdalen, både for folk og dyr.

Det er lite eigna materiale å nytte i områda rundt, samstundes som det allereie ligg grusmassar henta frå elva ved parkeringa på Hødnevollen.

Motorferdsel er i utgangspunktet forbode i verneområdet då dette kan ha negative effektar på verneverdiene gjennom forstyrring og støy, men etter verneforskrifta kan forvaltningsmyndigheita gi løyve til det omsøkte tiltaket.

I høve dei miljørettslege prinsippa i naturmangfaldlova §§ 8-12 er påverknaden knytt til motorferdsle i området. Kunnskapsgrunnlaget er godt dokumentert gjennom verneplan for Breheimen med kartleggingar og konsekvensutgreiing, skjøtselsplan for Mørkridsdalen og etter mange års forvaltingspraksis. Det føreligg såleis god oversikt over kva som påverkar natur- og kulturmiljøet i områda (jf. naturmangfaldlova § 8). Fråver av motorferdsel og



motorstøy er ein viktig kvalitet i utmark generelt, og stort omfang av motorferdsel vil kunne vere uehdlig for både fugle- og dyrelivet, og kan i tillegg påverke naturopplevinga i verneområdet.

Etter ei konkret vurdering meiner ein at det føreligg tilstrekkeleg kunnskap om naturmangfaldet og kva effektar tiltaket vil ha på dette mangfaldet. Føre-var-prinsippet får difor lita vekt i saka (jf. naturmangfaldlova § 9). Tiltaket vil gjere buforvegen betre og sikrare for dyr og menneske, og slik vere viktig for å ta vare på verneformåla i landskapsvernombrådet. Tiltaket ligg inne i tiltaksplanen til Breheimen nasjonalparkstyre for 2021, og det er ingen andre praktiske måtar å gjennomføre tiltaket på enn å flyge inn lokal grus. Forvaltar meiner det ikkje vil skape uønskt presedens då dette er eit ønska tiltak av hovudferdselsåra inn i verneområdet, og den samla belastinga er vurdert å vere liten (jf. naturmangfaldlova § 10). Det er ikkje aktuelt å stille fordyrande vilkår, og prinsippet om at kostnadene ved miljøforringing skal berast av tiltakshavar er ikkje relevant (jf. naturmangfaldlova § 11). Bruk av helikopter er effektivt og er vurdert å vere den beste løysinga i dette tilfellet (jf. naturmangfaldlova § 12 prinsippet om Miljøforsvarlege teknikkar og driftsmetode). Tiltaket vil ikkje setja varige spor anna enn at buforvegen blir betre og tryggare for dyr og menneske å ferdast på, men vil gi støy i eit avgrensa tidsrom.

Vedtak:

I samsvar med delegasjonsfullmakt vedtek nasjonalparkforvaltaren å gje Skjolden bygdeservice løyve på inntil 15 hiv frå Hødnevollen til området kring Kakkhalsgjerde for å frakte grus til restaurering av buforvegen.

Løyvet blir gjeve med heimel i verneforskrifta for Mørkridsdalen landskapsvernombåde, § 3 pkt. 6.3 bokstav f. Løyvet blir gjeve på følgjande vilkår:

Vilkår

- Løyvet gjeld for perioden 24. juni til 31. juli 2021 for innflyging av grus og eventuelt andre materialar til restaurering av buforvegen ved Kakkhalsgjerde.

- Løyvet gjeld for inntil 15 hiv med helikopter frå Hødnevollen til området kring Kakkhalsgjerde.
 - Flyging skal ikkje finne stad på heilagdagar og på sundagar.
 - Flyginga skal skje med aktsemd for å unngå skade på naturmiljø og av omsyn til friluftsliv.
 - Motorferdsel skal meldast seinast dagen før til lokal SNO, som vil gje melding om det må takast spesielle omsyn til verneverdiar.
 - Løyvet til motorferdsel skal være med under transporten.
 - Kortfatta rapport om helikoptertransporten med opplysningar om dato for flyging, tal turar og føremål skal sendast Breheimen nasjonalparkstyre innan 1. november 2021.
 - Vedtaket gjeld i høve til verneforskrifta. Løyve etter motorferdsellova må innhentast frå kommunen.

Klage:

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova § 28. Ei eventuell klage skal rettast til Miljødirektoratet, men sendast til Breheimen nasjonalparkstyre



Med helsing

Trygve Snøtun
nasjonalparkforvaltar

Etter våre rutinar er dette brevet godkjent og sendt utan underskrift

Kopi til:

Statens Naturoppsynt
Luster kommune Rådhuset 6868 GAUPNE
Statsforvaltaren i Vestland Statens hus, Njøsavegen 2 6863 LEIKANGER